



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五二一

嫌廬詩集八卷 夏翼朝撰

一

池上老人遺稿不分卷 吳廷琛撰

一〇九

家蔭堂尺牘一卷家蔭堂文鈔一卷家蔭堂詩鈔一卷 周際華撰

一六五

攄抱軒詩鈔十卷 汪桂月撰

二五九

亦寄齋文存十二卷 汪桂月撰

三三五

今白華堂文集三十二卷（存二十四卷） 童槐撰

四八九

今白華堂詩錄八卷今白華堂詩集二卷 童槐撰

五八三

今白華堂詩錄補八卷 童槐撰

七〇一

華廬詩集

衡山琴師仲火

門人汪松蘭題

江陰夏氏
須靜齋藏板

毘陵古郡翹彥今茲舉遠恒流象符鼎時
人焉一日申耆李先生測其真則赤水匪深
岑匪峻一日祁孫陸先生其樹骨則勁於秋
數為春華一日循陔夏先生擅兩國士之長
立一家言之範天資眉壽作伏勝於漢朝人
衡齒芬仰靈光於魯殿彬彬乎斧藻其德金
玉其音觀蟬廬詩集可得大凡矣今夫大河
之水非一岫之木也泰山之雲非一之積也
將欲疏濬性天摩盪心地寸管之木起
超海則必搜遺編於策府藉於謨勳之以
張安世讀書罔失卷必破萬牘少陵下筆如
神先生重說文兼茂先博物亦文綠字擷上
古之精英白蠟烏

蟬廬詩集序

供中宵之著述每當揆張雲構標舉風騷
溫厚蒼秀之色隱於幽奇良由元本羣經
包孕眾史於漢魏振響於齊梁涵濡三以
植其體地轉兩宋以腴其膚雖復丹鳳炫
采於重光燭龍光於具於羽之鳥工襲六
珈之容步色之螺飾佐十朋之貝未足方
茲藻耀擬此瓊華且夫司馬遷之文章山川
助其奇氣令狐揆之歌嘯溪郭繪其吟聲
人荷徒局一隅未行萬里縱使聘華文固
夏第筆區城第守平拘墟衢難廓乎峻爽
安得攝華音而搔首康雲夢以吞曾先生
孤懸伐閱船乏孝廉賢哲傾心公卿倒屣
駕封軺而草碧入幕府而蓮紅翁同於
趙北燕南尋霍獄於吳頭楚尾皆決海岱

青峯指點蓬壺挹閩越相望之白水莫不微茫隱隱
披襟倚樹說雲埽苔題石天涯弔古關興義於遐木末
懷人寄遙情於縣渺譬諸鵠飛天遠跌宕故多奇多鶴鳴
秋高清越信非凡響然則先生德方道圓含風吐雅其博
學也如此其壯遊也如彼加以志篤人倫情耽吏隱一官
著脚香采都梁七秩平頭耄親圖謀喜青氈其還我開絳
帳以招人造門多問字之車入室半執經之彥洞歸穀
澹無出岫之心泉酌玻璃清有在之樂於地素襟聯友
緇衣好賢北海尊開南皮會合相與研磨墨嘯傲湖山
華而不汨其真鍊而不傷其氣剖字以荆玉若星之安於
天削句以郢斤如砥之平於地洵軼羣之鉅製曠代之宏

陳廬詩集許序

二

裁也丙椿延賞風晨披吟月夕苕玉之華外朗蘭金之於
中含爰於揚摧之餘并及疇曩之跡謫謫仙於天上粲花
空存緬士龍於雲間墓草已宿惟幸先生天留碩果神與
靈芝瑞兆三鱣南克星移北克望一錫邑營務晉郡賢
先生現擢任主事席於江淮奉辦香於遐邇因知前世丹
成不返乎武彝室慶再生壽補長稱夫漫叟道光癸卯立
秋前三日桐城後學許丙椿拜序於泗州夏邱書院



題辭

高郵周

雨窗

友生投契在一誠見與未見尙形迹盱山邗水途迢遙此
中作合非人力蕪文根觸好古懷不惜藏書逸道擲絨來
楮墨哀思多彷彿傷心有同癖荒雞初叫參星橫先生題
詩句絃外淒音聽乃出那知三兩魚雁書便算緣了三生
石恰喜高足謂傳攜詩來笑貌聲音展卷挹第一山與玻
瓈泉許君清名壽可謂此行聯袂武夷君爪泥留傳僅十
一標題應待著作家謂五生詠中我只懷人
三太息

高郵夏崑林瘦生

我于先生未識面魚書往復深情綰白雲臺傍玻瓈泉遠

陳廬詩集題詞

一

上寒山約虛踐奚囊古錦玉谿詩及身謀及棗梨資濃薰
薇露待浣讀如披絳帳親風儀冷官遷近淮中沚飢渴懷
欣慰仰止素車白馬空中馳一握癡緣真已矣先生去年致書中有
云異鄉兄弟永無一握之緣不料遂成語讖梧生鄭重詩來宮齋日暗陳編
開延之風華錯金采陵情思尤悲哀文字因緣校魚豕
不見之生見之死風雨蕭蕭斷雁聲研凍鐙昏夜如水

金陵劉炳章

濂廬先生集



潘昭敬奉

濂廬詩集像贊

人師面隱懷心拂腸
衡德之華蔚為詞章
澄江浣豪清淮寫影
垂茲一編千春壽永

門人吳崇贊

濂廬詩集卷一

江陰 夏翼朝 循陵

古今體詩一百二十四首

送許補松同年 信入都

清時射策赴長安紫陌韶光取次看淳意似斟千日酒高
文會鍊九還丹早窺天祿書之府競說陽春和者難此去
雲霄振雙翮泥金應舉舊門關

題陳女史聞籟集

筆端清籟破洪濛散朗才華竟不同千疊迴文舒碎錦百
年心事感飛蓬恩闕骨肉情逾摯境歷艱辛句倍工作序
徐陵誰得似好書新詠播江東

李芝齡同年 宗昉

典試秦中賦詩二首卻寄

昔年同詠霓裳侶指顧飛身到廣寒雨露喜承新 聖澤
文章應重古長安曾遊蓬島羣僊妬 芝齡為王 此後龍門
步武難 熙齋師門下士以小門自笑雲泥竟負絕春來還
整舊雕鞍

京華回首三年別軼足追風迴絕倫 詔下 金鑾增鄭
重手持玉尺任陶甄隴雲秦樹詩千卷璇宇瓊樓月一輪
翰墨策勳惟報國也應圖畫上麒麟

山居雜興呈外舅徐定遠先生 超 三首

繞屋山光一帶青書齋端合號松屏來遊便作餐霞想此
地曾無縛暑經雨過紅蕉秋瑟瑟花開碧藕玉亭亭邨童

解弄桓伊笛一笑臨風側耳聽

先生自擬樂天翁冰玉襟懷漫許同且學疎狂安野服得
陪杖履在春風一番涼浸三分雨四座寒生十丈松日暮
溪邊叉手立夕陽猶照遠山紅

青溪幾曲水潺潺中有幽人此閉關峯似兒孫皆卓立花
名姊妹自幽嫺垂楊風細喧絲竹打麥聲稠雜珮環冉冉
閒雲時出岫爲霖幾日遍塵寰

秋日遣興

又是銀雲玉露天披襟時立晚風前乞書人至臨蝌蚪限
韻詩成被管絃紅到番椒秋漸老清如古鏡月將圓挑鐙
細聽寒蛩語孤館歐陽正未眠

兼廬詩集卷一

二

無多幽興寫蠻箋雞舌香清裊篆煙歌引筇篨聲激越夢
陪蛺蝶意纏綿愛斟魯酒時中聖偶讀高唐悔學僊一事
思量只惆悵囊空未蓄買山錢

甲子秋試日懷舍弟孝旆翼琳作

矮屋風簷布幔垂阿兄幾度此支離大羅天上掄文日明
遠樓頭得月時藜火夜燃春似海筆花朝放雨如絲是日小雨
登壇若箇誇飛將拔幟先教樹赤旗

上僊曾與示迷津花樣宜翻簇簇新呂祖降規有文昌宮
選文十大戒頒示

試聽谷鶯調睨睨應憐塞馬久風塵春生鍊研才無敵詠
到霓裳句有神秋桂一枝容小摘好同襍被詣楓宸

號舍宵深劒氣浮燭花如掌豁吟眸賦成鸚鵡人爭羨繡

出鴛鴦巧不侔與可曾原有成竹庖丁目已失全牛新詩
好當金鍼度和仲殷勤屬子由

猶記文壇白戰時不持寸鐵走雄師同人振鬬皆千仞笑
我卑棲尙一枝世守青箱珍故紙新裁黃絹陋焉支日華
賦就歸應早好慰椿萱兩鬢絲

談星

談星畢竟屬微茫勘破情禪樂境長宣室自然需賈誼郎
官豈遂老馮唐憑誰詎手傳青史說瓊枝到玉堂鐘鼎
山林安素位漫勞甘石細推詳

卻扇詞爲韓生翼作

其人如玉迥超羣萬朵芙蓉十幅裙侍女添香紅袖煖宵
深鵲尾尙氤氳

兼廬詩集卷一

三

羅幃對對繡鴛鴦鳳管鸞簫奏八琅身在廣寒宮內住花
枝遍繞合歡床

無題

遣興重陪玉筍班兩行環珮認僊頑生花裁出春蠶恨不
數當時李義山

芭蘭芳草恨天涯洞口神迷五色霞豈有梅花清徹骨肯
隨桃李鬪鉛華

空說黃金玳瑁梁更無清曲賦霓裳才人嫁去邯鄲道妝
罷殷勤拜阿娘

香車百兩爛盈門城北城南月未昏侍女張燈歸去早粉

衫濕處有啼痕

三星耿耿雁橫天是否藍橋路幾千鏡裏花枝誰第一太
眞昨夜試溫泉

織縑織素定相於太息新人舊不如綺閣寒宵春蘊藉一
簾清影看蟾蜍

萬朵芙蓉十斛珠錦堂人盡說羅敷燈花已結相思樣爲
問雙蛾淡掃無

綺語頻拈轉自嘲秦樓吹斷鳳皇簫絕無纖翳三秋月照
遍揚州廿四橋

雜詩

仙侶同舟事不齊碧雲飛落海天西叩門人阻桃源路豈

蝶廬詩集卷一

獨南陽太守迷

鈞天廣樂奏霓裳玉宇分明是帝鄉瑤島仙人最珍惜親

闕雪棧試旗槍

淚滿樽前聽浩歌已無精衛解填河僊家離恨年年積况

又人間嘆逝波

說仙說鬼幻非眞九曲名山記夙因依舊碧桃顏色好拈

花重問武陵人

紀夢
丙寅八月九日

大造誠杳冥流光去無迹嗟余喪慈父兩見秋風易孤露

誰併幪行行安所適昨宵夢寐中起視浮雲白忽聞扣戶

聲警歎莫能測門隙窺視之喜晤親顏色冠帶仍巍巍瞻

行有藏獲開門延入房音容記疇昔哀哉失怙人長跪動

魂魄諭言冥司寬優游非窄迫不主芙蓉城不與玉樓籍

山林足清賞迴與塵埃隔老母含笑迎慰問手加額須臾

羣季來俯視情脈脈緩步出中庭佇望絺帷寂雲車猶在

殯痛未營窈窕孤兒承色笑慈顏最珍惜但覺隨侍催眼

淚幾曾滴爲告負笈人半載卽幽宅夢中爲先君言杜生已死萬事如

蛸毛欲言增太息浩浩陰陽移悲哀詎能釋嬰兒生不辰

痘瘍一何感初旬痘瘍搔首徒踟躕蒼天遠無極親魂

返室廬一載精誠積胡爲倦提命恩勤竟虛擲空懷罔極

悲相從無羽翮此意何由申私心常惻惻霜烏徹夜啼淒

風透疏格

蝶廬詩集卷一

瀟湘篇送陳子珊表兄 珣之湘潭

瀟湘水碧君山青秋風颼颼過洞庭煙波浩淼一帆捷禮

蘭沅茝多芳馨陳君子珊抱遺術家居十載妍遺經長余

一齡中表戚里閑徵逐影與形幼時童試冠多士下筆精

銳驅雷霆日華賦就獻金闕豐城劍氣嗟沈冥寸衷磊落

詎介意不以青紫區畦町最工書法世莫比凌轢趙董如

優伶細者蠶眠大飛白意態鵠峙鵠鸞停有時放筆爲直

幹渭川煙雨生簾簾春花媚妍秋草綠運以墨妙何娉婷

興來邀客共清酌玉山將頽酒未醒微醺放膽論前史傾

囊倒篋翻銀餅英姿卓犖邁流輩擺脫家累同飄萍今秋

挾策走衡嶽伯兄攜手鳴原鶴王儉蓮花幕中客一枝棲

息梳脩翎我聞楚地產崎士梗楠杞梓皆儀型安知今必
異於古高風亮節猶冷冷九疑之山隔雲霧白晝隱約來
僊輶天生靈境本真絕少人多石姑妄聽君游豈爲飢驅
去愛此清曠心鑄銘獲交佳士定差玉舊雨零落悲晨星
况復高堂餐如雪望雲應卽揚吳舫長歌贈別二千里魚
緘雁字煩丁甯

暨陽院長張南溪徵君 移席雉阜贈別二首

先生六代舊詞人山斗聲名信有真元禮昔曾膺薦薦申
公早已迓蒲輪先生以己酉選拔舉孝廉方正科文章潤浹三霄露桃李
新栽一院春幸侍鍾堂快親炙高風嶽嶽古誰倫
雉水衡文絳帳移幾番根觸爲臨歧全家盡食窮經報先生

嶽麓詩集卷一

六

家無恒產薪水之費取給硯田左圖右
書怡然自樂問字之屢常滿戶外云 小極欣占勿藥辭

語到至情忘坐久感因知已悔交遲秋來江上芙蓉好遠
道憑君寄一枝

奉酬叔丈徐捷飛先生 趙二律

碧澗幽崖仔細探澹懷會與野人參心無罣礙常空五世
有滄桑已閱三徑掃未妨齊蔣詠曲成端可付何戡劇談
最是宵深後慷慨悲歌酒正酣

林泉晚景蔗同甘况復庭除玉樹參信史一編消白晝長
枝千尺護宜男貽來錦字珠盈百報瓊糠粃歲越三房贈律詩
二首旋丁先府君愛未能和也卻羨吟身僊佛並蕪詞敬擬鶴飛南時先
甲壽生周

不語是天下
後世不才對投
於人立言

嚴

任子敬 允肅 以陽羨新茶釣臺先生宮室攷吳菊
畦畫幅見貽賦謝

義興賢守古稱廉華胄翩翩慧業兼已擅陳琳裁檄妙何
緣王粲客愁添君習中韓之學三分捲畫溪邊月萬卷珊瑚架上
籤寶墨新茶頻貺我開緘珍重勝霜纖

茶珍唐貢名山淡逾甜風味當年重子瞻青筠裹包剛雨後
紅裙摘採向山尖龍團乍試風生腋蟹眼頻看火漫添自
笑王濛原有癖輕煎未許和薑鹽

理學詞臣萬彙兼謂鈞臺先生釋官新注刻精巖書成各自尊
堂奧余同年焦里堂循有古制何難辨字櫓爲溯淵源經
在抱若論丰格鏡開奩歸來儻過香茆館菊畦館名多謝吳生

嶽麓詩集卷一

七

贈畫繼

五字長城信口占換鵝書法壓蘇髯倦遊仍憶蓮花幕小
病奚煩藥石砭久分詞章聊覆舊漫勞刻畫到無鹽秋風
若起尊鱸思江令離情幾度添

和雉阜王霞芬孝廉 懷馨兒懷元韻

淼淼江波闊伊人彼岸居全憑膠漆意絕勝往還書白戰
慚無衡青瑣笑溷余瓊瑤何以報來訪樹扶疎

漫題

詠罷寬裳下廣寒十年猶弄舊漁竿山靈應笑煙霞癖芝
服無妨菽水懽幾輩驂騑開道路數行瓊珮振詞壇不知
毛檄何時捧三百周官鄭重看

擬子夜歌用藥名八首

相思樹婆娑蔓荊繞玉房芙蓉擁高髻龍麝熏香
階前長蘼蕪續斷那堪摘郎早不當歸菱花映華髮
燦爛合歡帳防風未敢開牽牛星歷歷瘦客故遲來
儂抱椒蘭委學書仿倒蓮防已太周詳不向車前拜
泛泛棠梨舟磁石礙難渡空咏斷腸詩藥本寫多誤
天蟲日吐絲山蜂日釀蜜所權懷遠志匏瓜歎無匹
飄飄梁上塵屑屑鐙下墨輕粉嬌不施金釵黯顏色
菖蒲難作花烏頭多結子鎮日鎖歲幾為懽歌卷耳

題何妃望茂才踏雪尋梅圖

疎林澹墨尋常見如此溪山孰往還冷趣儘教名士領奇

五言 蟬廬詩集卷一

八

葩未許後時攀家傳官閣風流輩詩在春寒料峭間祇恐
蘇羹終有分不容林下早悠閒

大風感賦

古柯地傍運河隈鎮日狂飈撲而來捲起怒濤千丈立驚
師雙槳未曾開

四圍晦靄日光寒萬斛黃塵望眼難為憶詞臣遷謫去八
千瀚海路漫漫

雜感

寸魚徑欲趨滄海驚馬無端下戰場最是阿如能眷我前
山虎豹恐蒼黃次女如寶時方三歲謂余
不要出門山中有老虎也

王孀去漢路三千蘇武畱胡十九年白草黃沙愁絕地那

教羈客不悽然

吳山

隱約吳山入望時白雲遮護下偏遲羈人似醉非關酒秋
士多悲強廢詩不盡離懷塵滾滾僅餘春色柳絲絲茲遊
畧識征塗味歸臥蓬廬莫後期

懷曹芝亭茂才 大鈞 四律

建安才子傳名久廿載論交我最真問字同逢青眼盼泛
舟偕訪白門春余與芝亭同為楊邑侯竹溪先生門下士戊午秋賦會偕往焉飛霞奇氣
原無敵明月孤標孰與鄰論到荆花蕉萃處北窗煙景總
悲辛令弟照明早卒

稜稜傲骨歲寒松托足蓬萊頂上峯佛性有時馴鸛獸仙

五言 蟬廬詩集卷一

九

心一任闌頭龍儘教路鬼揶揄伎不礙詩人磊落何芝亭
性坦
易有與龜辭者一萬卷圖書百壺酒此中容得阮嗣宗
笑置之不校也
絢年端不愧名流季重門牆幾度遊指吳憲
曾記先生開
絳帳每隨大父詣南樓襟懷已許伴稽品意氣何妨說應
劉彈指十年容易過西風同感墓門秋

結齋詞伯最工詩娓娓清才唱竹枝磊齋今伯余外祖趙
心培先生高弟也
昔工詩有澄江竹
枝詞贈多人白雪羨君能屬和黃鸝笑我漫何之情
聯昆季離偏惜語到壺鹽誰可知泰岱吳江二千里錦絨

珍重寄相思

朱退庵茂才 誦酒 過訪冒雨而歸口占二絕東之

小坐閒階望月明黑雲如織促歸程何如一宿南州榻聽

雨聽風到五更

閃電光中取道行櫻舟間渡意忤忤知君健筆縱橫甚爲

報春雷第一聲時退旃將就有試

秋夜不寐有懷退旃

幽意忽不愜空齋夢未成齊謳遙夜起涼月隔窗明落拓

憐知已羈遲仗友生相思頻悵望黯黯暮雲平

佳節題餽近籬邊鞠漫開西風前夕警南雁幾時來肝膽

披如雪聲名走若雷退旃應省試來阿即日將揭曉矣同岑有真契一笑

且銜杯

訪范君松友因觀其所畫絹素賦此贈之松友名長年山

西平陽府洪洞縣人家居師村

嫌廬詩集卷一

十

曾從畫粥軒中過妙墨清詩迴不羣舉世有誰知范叔自

揮斑管寫湘雲

題漁洋山人夫子亭第二圖有序

亭在漁子山之麓於陵陳仲子所居地也山人

解組歸卜築於此門下士新安程友聲重寫此

圖山人題二絕句以贈今載漁洋集中者是也

乾隆年間圖爲曲阜桂君未谷所得桂君遊京

師徧索題詠紀曉嵐尙書吳穀人祭酒皆有詩

翁覃溪官詹重加襄池并按漁洋年譜作爲小

記且做山人書將原詩錄於上方詠嘆長言不

一而足前輩懷古深情昭然若揭矣今藏魏薈

金地自阿

巖太守家令子亦棠茂才酒間出以見示略羣

賢之墨妙緬大雅之高風用愧少文勉成四絕

卽以質之

蕭森喬木接煙巒短屋三椽水一灣想見先生高臥日幅

巾藜杖此悠閒

重爲濡毫染墨痕夫于亭古傍雲根除將勲業論風格疑

是於陵老灌園

名公題詠盡琳琅古調新篇各擅場更有官詹翁學士眠

鐵細楷紀精詳

景仰宗風廿載餘清詩端愛舊尙書他年儻遂菟裘願三

十三山一草廬

嫌廬詩集卷一

士

魏亦棠公子提招飲并觀所藏圖籍賦此奉贈

孔李論交誼不疎淵源同溯老尙書尊人嶽巖太守係德定圖太夫子門下士

得餐沆瀣眞仙骨夢到卿嬈兒異書集古識高搜漢魏摛

華筆妙振瓊琚商量文字稱知己東野悲吟慕有餘余有父母

在二句題文亦棠見之以爲其語太悲不堪卒讀吁知言哉

題蔣伯生大令因培重至汶陽圖

家聲宦蹟玉壺清奉徵重臨汶水城父老喜聞公子貴笑

扶鳩杖拜霓旌尊人夢庭先生宰汶上有政聲

小別園林十載遲蘿莊綠樹正垂垂使君駐馬踟躕處爲

有郵亭遺愛碑

經濟文章播令譽稜稜風節動丹除大令不事權貴大吏聞其事於朝

金地自阿

御批可嘉
二字褒之好攜才子珊瑚筆補著龜陰水利書汶邑高家
湖居民苦之大令甫
下車即為宣洩之計

會聽輿歌旅舍中今春車次汝陽旅舍主
人為余言德政甚悉
故圖恰喜識文
翁他年國史傳循吏清畏人知有父風

題伯生蘿莊圖

數椽遺澤比棠甘脩竹煙蘿綠意涵為奉板輿花裏住莫
將捷徑擬終南

門前古木自扶疎清境依稀認尚湖道子丹青景純記郭謂
伽風流絕勝輞川圖

護花荆樹水雲莊中有元方與季方只許江南舊名士來
遊七十二槐堂

嫌廬詩集卷一

三

讀畫題詩逸興閒結鄰應許傍柴關小人有母甘偕隱未
買東坡陽羨山

生計用張恂叔先生韻

一椽偃仰復夷猶漫擬張衡詠四愁儉歲誰工撒米術江邑
斗米大空囊聊作典衣謀甘霖應候數梅夏研稅全荒感
錢六百
麥秋底怪饔煙終日斷年來生計總浮漚叔先生原詩
煙屢斷文貞公廿年政府助業炳耀史冊文孫叔以
孝廉任州司馬猶然一寒至此我輩窮愁固其宜矣

自笑

自笑身如不繫舟蓬飄梗斷復何求枕中鴻寶書都罄余
去未刊說文及柳
河東等集數種
研上龍寶濬不浮好佩標符娛午日勉
陳蘭膳當晨羞家慈自六旬以外冬月時臥牀春來漸
次康健茲屆端午令節子婦團聚一室燕

衍慈題豫悅菽水
之樂差足自慰云
刺憐青鬢絲絲改如此頭顱愧昔游
懷陳表兄焜甫茂才桐

曾歷衡陽與雁門壯懷清夜舞劉琨軍中露布雄才捷君
福公相勸湖南苗匪
飛書走檄多所委任
腕底霜豪妙墨翻讀律能參蕭相國
君佐外舅吳鹿柴先
生治楚南數大邑
學書偏愛趙王孫郊居贏得園林好

綠桂紅蕉次第論

懷陳表兄子珊茂才瑚

試證風裏別江邨錦字貽來認墨痕尚有餘裴伴陸賈問
誰縣楊待陳蕃六橋煙景迷遊展一室琴尊戀故園同抱
向平婚嫁願未容訪道詣崑崙

元瑜書記本翩翩制府掄揚望若仙制軍汪稼門先生以
實心行實政說頌示

嫌廬詩集卷一

三

閩浙各屬子珊佐楊明府理上虞古文長篇
報之制軍稱善手書嘉獎一時幕友爭傳鈔焉畫仿青藤
原嫵媚帖摹黃絹倍精妍彩鸞分擅生花筆夫人工
兼通釋詁篇郎君五六齡時授以儀禮爾雅諸經子珊莫
自浙歸督課甚嚴令其間誦全卷無誤也
悵依人頻作賦歸帆好趁嫩涼天

題周寄盒太令右點筆圖錢塘人時為
甘泉知縣

磨楯才華迴不羣書生韜畧壓千軍歸來攜得珊瑚管寫
出柳侯五朵雲

花縣棲遲小寓公披圖欣識漢文翁子雲筆札枚臯賦都
在先生手腕中

枯樹和蔡竹蘭同年復午作

生意婆娑未可期稱他野叟號支離前身鐵石應相許歷

劫冰霜莫漫欺雲鶴有時巢古榦春風會與鬪繁枝此材
豈合空山老孤負蘭成絕妙辭

題姜種蘭茂才寄春圖

圖爲白門女校書畫梅

纖手能將粉本描暗香疏影易魂消相思丁字簾前月照
徹詩人按玉簫

曾記清遊日未曛哀絲豪竹奏紛紛題詩領畧春風意悔
不當筵間紫雲

題袁蘭生上舍

先忠詩集

羨煞人閒未易才生花筆底萬花開歸帆助我清狂興風
雪篷窗讀幾回

周忠毅公玉印歌爲韓芸昉方伯

克均作

螻蛄詩集卷一

古

勝朝燹廟金甌缺灼天璫焰殘忠烈鐵冠霜貌著烏臺漢
室朱雲檻能折聲名直並金石堅徑寸玉印曾雕鐫繡紋
璫斑繆篆古精耀東粵寬垂天構歸細認季侯字摩抄手
澤應流涕想見彈章廷杖時蓋臣熱血甘塗地聽徹茄花
委鬼謠養成梟獍恣矜驕京師六月大雨雹陰氣漫盛陽
潛消手疏四事白當寧同官楊連左真儔侶給諫郭
鞏御史涂世業若輩紛紛類狐鼠衆正羅織劇可哀緹騎
衝突飛塵埃銀鑄亂鳴日黯慘摘瓜抱蔓根株摧械繫圖
扉淹兩月惟餘此印伴華髮歷盡冰霜總不磷寶光騰白
蛟龍窟更有官誥傳清芬思翁妙墨追鵝羣麟鸞世德箕
裘業綸音鄭重酬前勳卷幘飄零二百年得隨合浦明珠

干津五閣
同書以升合
此三字淺
多不辨

還擣礬澆磨思初刻玉瑕金題識纂編耿耿孤忠弼青史
神靈呵護定如此爲語文孫什襲藏英風永鑒吳江水

次韻奉酬吳孝廉翊齋

成勳見贈五古一首

憶昔遊古杭納交有兩生

謂程伊淵姚星父

落岑臭味合諸重黃

金輕盍簪未而月遽返蓉江城卓哉知名士聞聲每心傾

吳子鴻鸞姿皎皎冰壺清皖水聯萍蹤許結煙霞盟覽裳

領衆仙作賦伴長卿博霄養雙鬪經義時研精縹緲五千

卷文字胷中撐瑤華枉先贈問訊還鄉情新詩寫淳意綠

綺朱絃并平津敵東閣投轄頻留行多病茂陵客蕉萃愁

顏頽清醴自娛樂惜別心怛怛幸葆椒蘭姿勿羨桃李榮

切劇緬古訓寵辱胡足驚歸臥春申山俗慮蚤屏營燕臺

西子三千八百

五

儻踐約攜柑聽鶯鳴

薇垣清燕述德抒情呈芸昉方伯四律

卿月文星耀八荒英年奏賦重長楊功名終賈才無敵經

義匡劉說獨詳玉尺掄文羅孔翠鐵冠彈事挾風雷龍翔

鳳躍千秋業副學名山合時藏

一瓣心香奉楷模探懷名刺未模糊滇池久洽輿人頌皖

水新硯闢澤敷作牧勳高唐重鎮洗心學媿宋醇儒沈心

藏密四字顏其齋命真制以隸古書之來遊傲得蘇同叔太尉門庭許步趨

平津開閭萃人文喜共賓僚醉夕曛小試佐書懸鵠刻縱

觀真蹟辨鵝羣公藏石軍威舊帖手蹟及香敢云沆瀣淵

源台爭奈泥塗軌轍分太夫子德文莊公係公遠大相期

恐孤望餘材甘自讓機雲吳君翊齋見贈詩有相期遠大之句公所改定也

東第清權節序更蠟雲宿霧問歸程養病帖每臨求米覓句詩會和耦耕生計感公談懇款憐才令我淚縱橫建庵蚤祝來吳下好慰歸人望遠情

何君樂庵以閩中鄭文石玉玦重逢圖屬題爲賦

古風

九仙山高羣峯參差閩江水清波紋漣漪扶輿靈氣毓秀鍾奇司農華胄里閨於斯嚴君蚤逝嗟哉孤兒握瑜懷瑾譽美當時負米遠適高堂念之授以玉玦先人所遺縝密之性潔白之姿匪云玩好昭質無虧見其寶此圭璧自持諄諄慈訓面命耳提牽裾拜別灑淚臨歧江南道遠鄉樹

依稀鳥啼謝豹花放將離眷懷溫清夢寐縈思優遊蓮幕

七

物換星移載辭白下鼓櫂江涓巢湖萬頃舟行險巇顛風忽起蒼雲四圍蛟翻蚪怒鰲折蓬飛篙師駭愕束手莫爲兒驅幸免魄蕩魂馳顧此玉玦查不可追諶堂付與戒凜四知如何墮落竟擲沙泥茫茫巨浸浩渺無涯水濱難問終日鬱伊闕達紀歲早慙肆威野枯奧草水絕流漸鱗焦介死滄桑在茲重淵黜官彩耀虹霓老漁發筍諦視而嬉珍逾珊瑚品勝瓊枝地不愛寶人疇敢私完璧歸來甯有瑕疵曲踊三百訓以重賞摩抄護惜儼奉母儀精誠蘊結昭格蒼祇苦岑良友爲絃新詩開編細讀令我涕洟夢我久廢風樹增悲杯棬猶在書策空垂備聞至行彌益愴悽

竊附古誼芻蕘有詞君歌陟記十載偶遲白雲親舍遠隔春暉衣雷密綫杼憶鳴機倚閭望斷霜添髮絲心傷久客留指應歸一帆駛疾趨侍庭闈守身無玷玉玦是師婉容愉色滌胸前衣袂南孝養孺慕庶幾竹深筍美冰開鯉肥奉觴稱壽敬祝期頤

孫展霖上舍文植以薄餅見餉戲酬一絕

清才東哲玉珊珊不托貽來當晚餐歸去江邨剛打麥田家說餅語團圓

讀展霖無題詩率賦

倚翠偎紅是也非重簾消息認依稀五年前事成追憶瘦盡東陽舊帶圍展霖云不彈此調已五年矣

展霖見余前詩悔其少作漫贈二首以廣其意

七

藍橋路杳判人天苦憶芙蓉鏡檻前綺語無端思懺悔撥開劫火現青蓮落英如許墮殘紅春在梨雲短夢中解得拈花天女笑未妨濡墨寫驚鴻

簡會五簡齋敬文

誰將煤麝策功勳退筆如山合讓君頰首華亭兩文敏謂光宗伯得淵源同是證鵝羣諸城仙去渥翁逝王揚甫墨妙何人繼玉虹我肯稱尊無佛處瓣香端欲奉南豐

長白春熙春輅兩生詢余會寄家言漫成二絕

涉江幾度閱星娥三徑荒涼長薜蘿昨仿蘭成賦枯樹一枝生意尙婆娑

琅玕个个不安字一紙千金未足珍好藉魚臠寄寥寂關心絳帳受經人

次韻酬張吉人世植見懷之作

愿湖星聚邈前儔平子才華重一州盡洗笛箏諧古調非誇賤奏擅風流亡書閣背盈三篋明頭安佳句從頭譜入

秋君有八秋詩贈多人如此詩人許聯襟不妨襍被十年遊

觸緒拈豪小暑天狂吟擬說髮三千故園松菊應無恙異地琴尊倍有緣密字羨君工織貝好音懷我抵繁絃萬重緹繡殷勤護載上津門路水船

樂庵詩集卷一

六

恩樸庵刺史特恒額邀同人遊城南水榭余因雨

阻未赴詩以紀事

墨雲催雨勢瀾漫城外青山擁髻寒本擬同游訪泉石頓教清興忽闌珊水亭樽酒分曹送竹徑圍棋取次彈聞說荷花開萬朵未容羈客放眸看

題文瑞女史秋窗課女圖

掃眉才子舊知名散朗丰神玉比清此事推袁在妝閣讀書聲裏聽秋聲余同年陳男生司馬駿貝君簡香千墨庵帖云吾友袁壽階精於鑒別傳之佳婿足繼樂翁而起簡香無慙玉潤矣蓋女史幼觀經綸之富長勤警校之工福慧雙修無日不置身萬卷中也芸編校就抵瓊瑤密字珍珠寫絳綃口授上清書一卷左家嬌女正垂髫

廣月金星溯玉臺竹梧清陰絕纖埃說詩應有康成婢解和中閑詠絮才

曹倉鄴架卷盈千石墨鐫華與結綠懷餅就鈔容小住好摹紗幔拜文宣

題張蓮峯歲寒三友圖

篋書能識張安世磊落嶽嵴抱素心交道紛紛厭輕薄古權只合證疎林

贈曾簡齋

得識曾夫子清風襲袖襟昨宵動秋思大雅定高吟筆補戈挑法絃揮惜外音聊裁四十字鄭重寄青禽

感懷四律

樂庵詩集卷一

七

漢南楊柳憶當年探落敷榮盡可憐嗜別裁液萍萍飛隨茵閣總前修草堂借輝光先闊粉蝶輕秋舞少同袍秀女繡幾時分得買山錢

寒葉芸香守一編蘇軾詩元亨時義新遺記大從遊多知名之士蘇軾詩許過庭先嚴調庵治尚書之學治尚書之學零嗟余屢作春明夢湘瑟難邀帝子聽

蒿莪振觸淚紛紛賦歸時愴夕暉丁丑計偕以六月下人以八月銜恤忍看衣上線窮塗望斷嶺頭雲虛傳蘭訊鄭校筆泰傍微垣籍湜羣韓芸叟中丞為皖江方伯時延李中書應常先孤負師門衣鉢語一莊荒矣復何云調英

尚書張石蘭
廉訪兩師

雛兒夙習解耽書也趁晨曦認魯魚次兒子撫年五齡從父重甫先生課以方
字敢謝麟鸞振毛羽免嘲牛馬被襟裾數椽不礙談風月
三徑猶堪莪筍蔬待挽鹿車相慰藉朗吟新句當瓊琚

清夢

嫦娥曾許月中看清夢前宵到廣寒才得相逢便攜手花
冥冥處珮珊珊

鄉思八絕

我祖衡文到此邦兒時聽說泛春江乾隆辛巳歲和州某刺史聘先大父校閱
卷試離迷六十年前事魂魄猶疑旦夕降

鸞飄鳳泊感蒼茫嬾聽霓裳與八琅東望蘭陵是臣里金

銀爲闕玉爲堂

三

田來達士託緇林貝葉荒書旨趣深我比山僧更枯寂粥

魚茶鼓莫關心

繞膝牽衣日幾回穉兒惜別儘徘徊阿翁竟被飢驅去要

聽船聲欸乃來

小園計日菰瓜壺佳果同甘興不孤青李來禽好風味消

炎曾憶異鄉無

朝飢無復理晨餐盛暑翻如中薄寒惟有岑參知此意拚

將雙袖付沈澗

鴻璫和雪感蘇卿作達劉伶載鋪行自信出山非遠志日

歸江上話春耕

馬角烏頭喻太癡朔風飛雪挂帆遲篷窗聽得吳娘語夜
半潮聲汨汨時

蟬廬詩集卷一

三

蟬廬詩集卷一終

受業張承慶校字

蟬廬詩集卷二

江陰 夏翼朝 循陔

古今體詩七十七首

次韻酬陸萊臧孝廉 我嵩

仁行尊鱸思懷人杜若洲一尊聯古誼二俊想風流士重
蘭成賦秋增宋玉愁新篇願金鑄盟讀每低頭

原作

青浦 陸我嵩

標格雲林契今之夏雪洲礪礪漢殘字蕭澹晉名流
壁搜奇句敲松和古愁相將緘老淚哭友九峯頭

梅小庚各
為然

題清微道人空山聽雨圖 錫山 禪院 女冠

蟬廬詩集卷二

芥崖鬱嵯峨林端淨如沐烟霧倏溟濛潺湲響空谷中有
妙道人藤蘿護茆屋願證菩提心永矢熏修福圓蒲坐十
年指月能傳錄拈花試微笑元言迴殊俗香積白雲橫臨
摹上清錄 道人書學 媚媚湘浦蘭修修渭川竹妙腕為傳
神霜豪寫靈淑棲心不二門智慧靜中足斯圖更超曠雲
巖事幽築萬籟寂聲聞零雨秋山爐照滴破空來跳珠雜
鳴玉濃雲冒樹巔傾盆瀉千斛空諸一切障盡洗塵垢局
真源滄滌餘了義破羈束我欲買山居蕭齋聽檐瀑禪悅
夙所耽內典未究讀何當叩松關楞伽請三復曼陀法雨
飛醍醐灌心曲

萊臧賦贈奉始輒視歌奉酬長句

赤雲初卷秋氣涼庭柯櫛櫛簷日黃蕉衫落拓欵扉至
東野客 萊臧 殊軒昂蟬廬慣羈長者轍 深慙長者轍重得
也 蟬廬二字真 說經論史辭鏗鏘商周彝鬲少藏弄石田
籍學士所書 數畝資耕穰綺函髯匣久珍閱鼠璞什襲唾疎狂典午九
泥重陶埴踴躍踰歛誰評量士衡嗜古有卓識摩挲嗟歎
長毋忘審定點畫巖電炯殷勤叩我來何方李侯昔日辭
蓬島一封墨綬淮南道 申者先生由庶常 改官鳳臺縣令 八公山古貯烟
霞廉頗邱荒菰稭稻治譜常懷運甓勤清吟時伴陶泓老
單騎班春出郭行開共龕僧事幽討 先於資聖寺壁得元
嘉太和奉始等輒十數 廣陰隱起闌干紋土繡爛斑字完
種物之顯晦信有時也 好長九寸二博半之晉武泰始十年 荳考有旅人陳黑名

蟬廬詩集卷二

或云督將姑弗考憶自陳壽鎮壽春千五百年舊城堡銅
駝宮殿盡荆榛僅餘殘壘球圖寶筆法古樸蒼勁儲東京
碑額輸精藻良工手擘墨池雲衛齋花落仙人埽萬重緹
綉綺雙魚削檣念念不暇草君聞此說心顏開快斟綠蟻
傾金罍追摹斯籀真懷衷翌日急走長鬚來淋漓大筆嫵
韓孟陸離璀璨驚雄才解注學湖穀穀雕績狀貌窮胚
胎五鳳五年檢漢紀蘇齋辨證歲月該 漢五鳳五年 輒覃
改廿五年之物 漢紀之地 去陝關遠春初作 孫吳寶鼎
輒故仍稱五鳳五年 孫伯理為三年非也 孫吳寶鼎
雁嶺出竹垞跋語尤奇瑰 寶鼎二年 輒跋斯 輒密無薛
暴蜀師天冊元康陪何人搏土受模範瓦礫棄擲潭苔苔
蟲涎粉蛀耀光采那肯埋滅隨劫灰新詩琅琅字三百八